

Compositor ta Jerrino Ridderstap y Ivanaur van der Linden y areglista ta Pedro "Goyo" van der Linden

"Aplauso pe"....Tumba ganado pa Carnaval 60

Jerrino "Bass" Ridderstap ta Rey di Tumba 2014

ESAKI ta di tres bes cu e banda cu D'-Licious ta participa den Festival di Tumba y ta mas di 10 bes cu Jerrino Ridderstap mes ta participa como cantante. E aña aki, cu areglo di Pedro "Goyo" van der Linden, cu composicion di Jerrino Ridderstap mes y Ivanaur van der Linden, el a logra bay cu e corona maximo di Rey di Tumba pa prome bes, cu e tumba "Aplauso p'e".

Pa e banda mes, e logro aki sin duda ta corona nan trabou duro, nan preparacion intensivo, ensayonan, sacrificio y perseverancia pa logra crece den e mundo musical di nos isla. D'-Licious ta compaña e grupo di "Don Flip Racing" den paradanan di mucha mientras cu nan lo toca pa e grupo "Majestic" durante paradanan di hende grandi.

Letranan di e tumba ganado ta como

lo siguiente: Si mi por a warda henter dia den solo, Pa wak bo bunitesa y admira bo, Bo ta un inspiracion pa mi pais, Curason di Carnaval, Awe nos t'ey pa admira bo.

Ma nace ta conoce bo caba.

Coro: Bo ta un strea cu ta briya leu den horizonte. Bo te cara di nos pida baranca. Coro: Bo ta imagen riba pia cu rond mundo ta bin mira

Awe bo ta bay demostra. Coro: Bo beyesa carnaval. Riba tur ruta cu bo pasa. Coro: Tin historia a keda tras. Bo bunitesa y grandesa. Coro: Ta luci te den exterior. Via radio y television. Coro: Den corantnan publico. Esta briyante, cada aña mas bunita bo ta. Coro: Mi kier pa bo wak'e, Wak'e, Wak'e Wak'e pasa (3x). Wak'e (4x)

Awe ta bo dia. Nos tin cu celebra. 60 aña di carnaval. Ta riba caya e mester ta. Coro: Wak'e pasa, Wak'e pasa

El a subi caya. Ambiente lo bay reina. Awe riba su dia. 60 aña riba pia. Aruba su carnaval. Manera di nos no tin igual. Un aplauso pe. Bishitante saca potret di dje. Nos ta engrandece. Paso ta un so tin di dje. Pone man nan hunto. Dun'e su honor. Ban pone man nan hunto. Dun'e su honor. Carnavallistanan

Coro: Aplauso. Tur hende. Bati bo man pe. Paso e merece. Ora e parada pasa. Cu tur banda musical. Ora e Reina saluda. Prins y Pancho cuminda. Grouponan luhoso di carnaval. Cu tur aña ta resalta. Carosanan presente. Masa yen di ambiente. 60 Nos ta celebra. Den grandi nos ta festeha. 60 nos ta celebra. Baila y gosa unda cu ta.

Aplauso pe. Bati bo man pe. Aplauso pe. Paso e merece. Coro: Aplauso (3x) Aplauso pe. D-D-D'-Licious Sinti'eee.

